

皇朝經世文新編

皇朝經世文新編卷十一目錄

幣制

幣制論

幣制論

銀貨問答

論金銀漲落之由

銀價漲落之由

中外金銀漲落說

論金銀漲落極有關係

論各國行用金幣附表

日本擬改國法章程

日本用金後情形

錢幣緣起利幣述

通用金鑄說

鑄銀條陳

奏請仿造金銀錢摺

日本食貨志後序六

擬中國設局鼓鑄小銀錢即畧

日人 闕名附

美人 麥見尼氏附

美人 闕名附

日人 高橋氏附

日人 闕名附

英人 李提摩太附

英人 李提摩太附

闕名附

英人 闕名附

英人 闕名附

法人 闕名附

陳熾

陳熾

楊宜治

黃遵憲

英人 歐斐理附

中國鏡法補救議

卷十一

英人吳得祿附

幣制

幣制論

日人關名附

古今東西各國欲更革幣制者甚眾矣其在金幣國則不堪金本位之多幣而更革幣制之論興欲濟以金銀兩本位制其在金銀兩本位國則為兩本位之多損失故欲以金為單行本位而免其厄論者亦分其流派較量二者之利害各不相下顧金銀幣制之得失利害互有長短雖然混淆不可方物焉縱各國任意更革幣制又使論者相辨難講究至百年亦安能定其美善之歸哉抑貨幣者猶尺度耳非通天下萬國一其標準則其用必不得完也及人文進步四方交通日盛一日貨幣之用至普遍於環球而其性質亦將漸彰明也然則今日宇內萬國幣制不可不出於畫一之途固無論矣今夫金幣國病於金銀幣國苦於銀金銀兩幣國厭兩幣本非用金用銀與合用金銀兩物之罪也而其病根實在萬國幣制一也世局紛紛不容其病所由來徒觀一時情形以立是非之論雖十更幣制百重論難將何所得哉

日本國以明治四年制定貨幣條例立金幣本位之制又別鑄圓銀流行各公開埠頭及明治十一年發布告第十二號以銀幣為國中常用之幣而日國之法度遂為金銀兩本位制矣先是明治九年發布告第二十七號定金銀幣比例率為金一銀十六強而金之身價漸有騰貴及明治十七年發布告第十八號兌換銀行券條例定為兌換券能交換銀幣之制度明治十八年更發布告第十四號定政府所發行之紙幣將漸漸交換銀幣者其實際蓋又改為行銀幣本位制矣嗚呼維新以來僅三十年而已然三更貨幣本位豈不頻繁乎論者動輒謂我國幣制所損者寡而所益者多近年以來金銀差異甚遠歐洲諸國皆鮮不陷困厄者然我國為

銀幣賤落致得莫大之利以長進貿易之興盛於其間蓋由我為銀幣國故也近時松方內閣將改幣制而為金幣本位制議夫幣制者國運民命所繫內之則為國家之命脈外之則為萬國所關繫豈容為區區事情而更革之哉昔者法皇非立路伯兒為處理國債故更革幣制以苦其民於塗炭於是國民怨望呼法皇曰鑄錢奴詩人壇的作地獄詩曰彼應為野豬死松方內閣欲更革幣制豈亦不類於此乎然吾亦非以更革幣制為非也因吾亦實知今所行之幣制日闇必當更革今守固強國多為金幣本位制雖間有行兩本位制國而有將來變金本位制之風夫與我邦貿易交通之國行金幣本位制者十之七矣則更革今日之幣制與此等諸國同其法度實為進境之一端也

或曰今日諸國現行金幣本位制而不堪其多幣乃相與講救濟之道遂有宜行金銀兩本位制說然則我日本須存今日之銀本位制以為異日行兩本位制之地若其不然則今日當斷行兩本位制而制日後之先矣雖其論非不可行而究不能指示諸國何時同行兩本位制是此論動輒與實際差異也要之今日之關繫不須區區商量金銀幣之利害孰在若能統一宇內幣制使其歸一則天下必無復生紛紜也吾人贊成更革幣制之議蓋為此耳若夫雷同附和勸助政治家一時之策苟且姑息欲論斷此大事豈吾人之事哉

未更革幣制之前首先稽查要務其目有四曰宜先設稽查幣制委員會曰宜開國際交涉曰宜整理公債曰宜稽查銀價之差異不定此四者所以慎重其施設也請申論之曰宜設稽查幣制委員會固無論已初伊藤為相時嘗欲深考幣制在明治二十六年以勅令第百十三號始置稽查幣制會招集農工商業家銀行家政治家學人並在事官吏等稽查審議開大會七次開委員會四十一次開時二十二月至明治二十八年七月具報其顛末焉當時咸不知宜更幣制之要惟論異日宜行金本位制耳故以為宜更幣制者有一人焉以為宜行兩本位制者有數人焉村當時之大勢咸以為未可知也邇來既閱廿餘月世情有所變遷而其情形宜稽

查者亦雖然有所加增於是乃知須設該會之要若其聯合之法職掌之權不必蹈襲前例也松方內閣本有好容納人言之稱則似宜諮問農工商會之議並宜連開設稽查幣制會夫更改官制雖在小事而猶設稽查政務會況是為絕大關係其輕重大小不較昭然乎苟松方內閣真重視國民志意而不敢苟且以治國務則宜速設此會使委員稽查審議焉曰開交涉於各國亦為急務而其目有二曰交涉東洋諸國也曰交涉歐美諸國也夫日本欲獨立金幣本位制而東洋諸國不同出此途則雖更改制度恐得利甚小在東洋則日本與中國貿易交通之利害最為關繫其他朝鮮南洋印度及海峽殖民地等亦與我國利益相關今若驟更我國幣制是睽隔此等諸地而立異制也一旦失我利益所在之地而欲扶殖新制於將來蓋亦頗難也故今欲更革幣制則宜糾合東洋諸國以結幣制同盟庶可使諸國之幣制不難與我相同也是雖非容易之事然非為此則日後將不堪其弊況諸國且多問亦必可至此境地也則於今日指示獎勵使變遷於至善豈非當然之務乎吾故曰欲更我國幣制則須先告東洋諸國宜採用金幣本制而與我同其幣制之原由是誠幣制之一進境也若夫交涉歐美諸國甚易耳何則幣制之當出於畫一固彼都人士所夙稱其幣制同盟之興蓋為此也我進而加訂此盟持是以問歐美諸國之欲改幣制者亦掌奉謂為然也況異日列國必有此議則我吐露所見實亦不難若夫袖手觀望任他人所為必將受制於他國豈我所敢忍為哉曰宜整理公債是為更革幣制前之要務何則今若更革幣制以為金幣本位則金幣資本流進於我國無疑矣而我國公債亦必此外國市場多入外人之手我國公債利息甚重在諸國中未有倫比外資之入雖似可喜而需納昂貴利息實不合算是宜於既發之諸公債設整理之法而立節制之道矣將來欲募集公債則宜大減利率以保國家之利是為切要也今試觀諸國公債利息如中國現募集公債於中俄銀行其利息四分如土耳其及加拿大亦能募集公債其利息三分半則我國豈有出五分重息而求資本於外人之理哉且夫募集公債重其利息則易

於募集而難於清償況重息之公債多歸外人之手則開國家交涉之費所在必多豈可不慎哉曰稽查金銀價之差異變動亦為主要在十八百七十三年倫敦市場金銀比例率以金一比銀十五奇零六七及德國採金本位制則比例率變為金一銀十六以上明年羅馬同盟國除補助幣外禁鑄銀幣及千八百七十五年和蘭國採金幣本位制金價又高騰十八百七十八年羅馬同盟國廢鑄銀幣明年奧國亦廢自由鑄銀之制於是金銀比例率又一變定價為金一銀十八以上及千八百八十九年為金一銀二十二奇零一及千八百九十年美國發行購銀條例復降為金一銀十九奇零七六千八百九十三年印度廢鑄銀幣美國廢購銀條例俄國亦禁自由鑄銀並禁輸進銀幣於是乎比例率又一變為金一銀三十四以上邇來雖昇降無常約在金一銀三十一二之間有此等變異皆國際之關係因而上下其比例率矣故今字內財務家憂金銀比例率有大差異多方挽回冀異日得立救濟之策列國協商則金銀之差應不如今日也今夫欲定國家大事漫據計數表所列之舊說與外國所嘗試驗者以定所舉措矣其不慎重也況欲更革幣制直採變動無常之時價以定比例之率豈非無謀之極乎比聞政府按今日之時價金一銀三十一將定比例率為金一銀三十二非例行逆施而何也何則是直欲使值百九十二三圓之金額增為值二百圓也使本位制無其真價也是豈幣制之本原規則哉苟如此則自今以往我國財務商家等每有金銀出入即一喜一憂遂至如千八百七十七年德國上下蒙難困於財務之例亦未可知焉嗚呼今日之急在詆斥杜撰架空之論而施設合宜之方夫金銀比價之變動本有出於自然者又有由於人為者則宜研究二者之顯象考內外之情勢以定其比例率矣此等四事實更革幣制必講究之要旨俗吏庸流不解事體輕重又不知時務緩急徒立架空之妄論謂更革幣制為易事亦不思之甚也若不慎重於今日而輕舉妄作則我國將來所生於金本位制各種之幣而失所生於銀本位制各種之利則舉國財務紊矣豈不岌岌乎危哉

幣制論

美人麥見尼附

我國貨幣制度自十八百六十八年以後綿延至今復見其紛綸矣蓋貨幣一端關財政之隆替道國者當並
留章也彼合眾黨及主銀黨等欲以金一銀十六比例舉行鑄造銀貨之制已不能者實切施其制度之壞固
無論矣倘政府堅持此論定使財利社會及產業社會不勝悚惶觀商賈之震慄聽謠喙之續紛可以窺其涯
落矣在合眾黨有識之士恐國家聲威自茲失墜民人福祉末由保全故甯背黨論糾合同心以抗自鑄金幣
以銀塊交國家造幣局代鑄成幣局即給還之謂之自鑄之議也抑貨幣者或比較所有物品之價值或計量交換品物之數目或核算外
國交易之差等懸遠之際最當慎焉若從主銀黨之說自鑄銀幣而靳其鑄費則委辦無人亦不能自收銀幣
也即一二礦家及銀主被其利益而此外之人束手旁觀焉耳是美國之造幣局反為一二礦家及銀主而設
也嗚呼邪說興而正論微矣夫自鑄銀幣不能紓勞工行路之難也不能減勞工服勤之役也不能增勞之賤
役之價也不能助農家收穫之利也不能創設工場而代謀生計也不能經營新業而同享樂利也噫莊生所
謂使人憂使人悲之道也烏可行哉要之自鑄銀幣之議雖以銀定價值之標準然銀之價值於別樣商務無
所補益又不能維持一切諸物之價值也則惟有敗壞決裂不可收拾而已況言而不行即行而鮮當其失信
於商業社會已多矣昔合眾黨決議於芝嘉高大會曰現有五十三仙市價不論何人有携一元銀塊詣美國
造幣局可易鑄造銀幣一元以此銀幣為法幣即國家制法立為貨幣也故於公私一切之用行使無礙也誠如此說則有
銀塊者可坐擁厚資而收其益自餘貧民無毫末之利也何則無銀塊者欲得貨財而無由遂不肯出勞力以
換之矣據現持市價一元銀塊值五十三仙故有銀塊者得以五十三仙銀換一元即百也無銀塊者皆以昔值
五十三仙銀塊為當一元則國家鑄造銀幣故有損而無益矣若行銀幣使上下失利是國與民均兩損也謂
自鑄銀幣必有利益吾不信也按我國十八百七十八年以來所鑄造銀元總計四億元有餘此等銀幣現為

法幣故公私一切通用也然將來自鑄銀幣其重量模形國家印記雖與現所行之銀幣同然其價值則必大
 異何也蓋邇來行使銀幣者皆國家鑄造不許有一毫私利於其間乃能保全銀幣也其定法制按當時市價
 收買銀塊以鑄銀元國家掌握造幣之權相度時宜鑄造貨幣以保持金銀幣之平衡而不敢私利私益增減
 鑄造額數也然銀塊市價與銀幣定明價值如國家立法定價值者同銀為一元即其之差則民有利益而國無虧缺也蓋銀塊市
 價常賤於銀貨所定之價值故此中所獲利益實非淺鮮國家以鑄造貨幣支還國債有無互通便可流行於
 境內則其所定價值必無礙也國中既以此等銀幣為法幣使市會交易流通宜與本位金幣價值均同乃不
 使有銀幣者與折閱之數是從道德中有此義舉實由法律止行此義舉也蓋法制積久有法者相沿以至於今
 也足見自鑄銀幣法不能與上所述之銀幣同一概視也假令同其形式其價值亦難比今存之銀幣也何者
 曰若如自由鑄造當之說則國家除鑄銀塊為銀元外無關於造幣之務而鑄造利益絕無所得既發幣而不
 任其責矣必經營鑄幣通行之務乎故維持銀幣常準人民自鑄之例而國家代肩其任迨鑄幣已成郵重交
 付之而已既交付之則造幣之責亦畢矣是銀論者之大旨終使美國為銀本位國而已以銀為本位國者果
 爾則自鑄銀幣者決不能維持銀幣之價值也主銀論者雖欲以值五十三仙銀為百仙法幣而謂能保銀幣
 與金幣同價乎恐不副所望矣不獨於理為然即古今萬國之實例亦相同也故自鑄銀幣之終極也勢必制
 幣通行之制幣如銀幣是之價值賤落始足當銀塊市價耳況市價抵昂無定律一浮一沉不見當形則自由鑄幣之為
 害於財政貽禍於商業昭昭明矣如斯政策吾安得不厭排之哉若美國續行金銀同一本位制以金銀同一
 恐不可得矣當金一銀十六比例之時美國欲公開造局以金一銀十六比例鑄造銀幣奈地球銀多紛
 集何諒續行本位之制亦不能久也墨西哥及中國以用此策而失計彼墨西哥公開造幣局以金一銀十六
 有半比例行自鑄幣之制意欲任人自鑄金銀兩幣也然求鑄金幣者頗覺寥寥而國內金幣流出海外絕無

形影究其實情何異單以銀為本位之制乎但銀單為本位之制也故欲強行此制非得列國共行則美國不如仍守金本位之故轍也且夫金幣者固地球大商所等視以為本位貨幣也況貿易中關繫我美者多以金幣為本位制乎試觀十八百九十五年外國貿易以金為本位者十分之八自餘亦以金為本互相貿易抑美國一千八百七十八年立法發行銀幣及代用銀幣六億二千四百萬元以通行國內其意蓋欲使銀幣與銀塊價值畫一而併用金銀貨幣也美自建國以來八十九年凡所鑄銀幣約九百萬元旋於此年設法任使暢行銀幣亦不礙財政又能與金幣保同價值故毅然舉行也今國內行銀幣數致出於金幣之上然其所以至此亦屢經試驗耳美人夏望之法實出此時其法因時價購美國所產銀塊以鑄貨幣也自十八百九十年至九十三年國家收買銀塊每月四百五十萬翁士一翁士當日本八二分九釐餘以一年合算實五千四百萬翁士也是居地球產銀總額三分之一也當時自由鑄幣論者謂國家多收銀塊定使銀塊銀幣同價值也然未數月銀塊價落殆出論者意料之外故總統苦爾苦倫得勸告朝野兩政黨遂禁夏望購銀幣之法由是觀之可知自由鑄幣必不能增銀塊價值矣前車可鑒豈宜仍蹈覆轍哉余以一千八百九十一年臨公開演說會嘗論若行自鑄銀幣必當萬國訂約以羈束之我共和黨未嘗詆行使銀幣也至今亦以為然現美國銀幣之數比較外國除印度中國外實居他國之上即比英國多五億元比法國多一億五千元比德國多四億元比印度胸三億二千五百萬元比中國胸三億二千五百萬元我共和黨金欲與列國訂約若余得換總統應即切實施行今美行自鑄幣制列國聞之必傳我為褻本位制矣恐不利也故當與列國訂約為之限制維持現時之貨幣本位斯為上策意者美國以金一銀十六比例行自由鑄幣之制必不利於用幣乎現金幣五億元於貿易市場所失已多我共和黨不欲排除金貨者也我黨宗旨伏願國家立金銀兩幣同價值之誓約使現在銀幣永與金幣均價此實我黨一千八百七十八年以來之政策前後一揆未嘗變易也又欲使美國所行銀幣及紙幣一切與金

幣同據既往施行之跡將來金銀兩幣可保同價也不然以金一銀十六比例行自鑄幣之制則美勢必為銀本位之國無待著龜矣竊為二三君子不取也

銀貨問答

美國人士以銀貨為現時樞要之圖議論洶洶不可遏抑紐約撲士打報館窺當路諸公意見設為問答之詞撮其要旨譯錄如左

問主銀黨論者宗旨所在何如曰銀價賤落制錢為之減色謂國家鑄造之金銀錢因而物價益賤落此蓋主銀黨之人所據以為口實者也現在美國政府廢銀幣而專用金幣故行使之銀數甚減銀之價問鑄錢而供給所需用

亦有減乎曰不然物之於此有所需用必賴之有所制錢供給亦然問然則於其實事何如曰以美國實情觀之供制錢之日有增

加昭昭明矣據十八百六十一年統計美國制錢為四億四千二百十萬二千四百七十七元而在十八百七

十二年多至七億三千八百三十萬九千五百四十九元又據大藏省公示本年七月一日所實存之數為十

五億五千五百五十八萬四千二百八十三元 問制錢增加現情何如 曰以本年比十八百六十年已增加

二倍四分又此十八百七十二年已增加一倍一釐也 問以何方法能證明之乎曰以每日所現存之人口

總數除同月所行使之制錢總數得入與錢之平均數也 問其所得之數若干曰美國通行制錢據十八百

六十年七月一日計算人口一名約有十四元六仙在十八百七十二年七月一日則一人約有十八元七十

仙而在本年七月一日則一人有二十一元三十五仙之多矣 問美國情形或然然通地球各國恐於制錢

有減色也曰決不然蓋亦有增加之迹焉 問其證據如何曰據新產出之金塊統計也 問然則新產金額

可得聞乎曰憑造幣局總理報告以為據蓋自十八百七十三年至十八百九十四年地球所產出金塊總計

實二十五億二千六百八十三萬四千九百元云 問金塊新產出額有增乎抑有減乎曰其增加之迅速也

可無論矣 問然則其數約若干曰據千八百七十三年統計地球金塊產出額九千六百二十萬元千八百八十年一億六百四十三萬六千八百元千八百九十年一億一千八百八十四萬九千元雖千八百九十五年統計尚未明確必約一億九千九百五十萬餘元也 問由是觀之果何所為也曰為地球貨幣之增加故以每年所增加之金塊比前二十三年足見增加兩倍以上也 問產金之數現時雖有增加之勢恐將來亦有衰減也曰不然如亞美利加澳洲南亞非利加等礦學家甯肯較量乎將來產出諒必出於今日之上無疑也 問雖然為以銀塊不為制錢故於供給每年所增加之金屬制錢得無或阻礙乎曰不然 問其理由如何曰據千八百七十三年統計地球上金塊產出九千六百二十萬元而銀塊產出八百八十萬元即合計一億七千八百萬元然據千八百九十五年即昨年統計金塊產出一億九千九百五十萬元左右矣亦可以見其於供給制錢無阻礙也 問本那明時產金數出於今日之上碼否曰不然 問然則當時產金之數約若干曰自千八百五十六年至千八百六十年總計地球產金每歲約一億三千四百八萬三千元產銀約三千七百六十一萬八千元合計一億七千七百七十萬元比諸客歲千八百九十五年產金額多至二十七百八十萬元也 問然則主銀黨之論謂自停止行使銀錢致貨幣供給漸覺縮乏果何謂也曰是金坐一大謬見試合環球之情形而論又合美國之現情而論可知其說之謬也 問雖然自小麥下至各種農產物其價皆賤落豈非實事乎曰然 問然則其理安在曰無他環球皆以農業為重以增其收穫出產既多價自賤落也 問農業畝畝之增加如何曰自千八百七十二年以來至今南北亞美利加及亞細亞增加農業地畝畝蓋為前古所未有也 問目下販賣小麥有相競之勢何故也曰為年開銷路於四方多爭上於市場之故也 問於何國市場為最夥乎曰英國哉通地球購買者十之八九必仰穀類之供給於英國市場也 問其販賣額約幾許曰據英國所銷流者統計其輸進小麥而又輸出之者實為五十五百二十六萬千九百二十

四舍多爾威多

本一舍多爾威多當日
本十三貫六百日

比諸前數年見其增加蓋亦莫大焉

問何產小麥之多至此也曰由於

印度俄國烏桓圭西方等產穀地增轉運之便利也

問於北美國亦如斯增加乎曰增加日見其益

問其

額約若干曰據千八百七十五年統計美國產小麥地有二十六萬三千八百五十二過哥至千八百九

十一年則增至三千九百九十一萬六千八百九十七過哥即實增加十之五也而千八百七十五年所產出

為二億九千二百十三萬六千六百六十八耶本一十八耶當日千八百九十一年產六億一千一百七十八萬不士耶

如前千八百九十五年大減農業且有凶荒之歎而猶且產出四億六千七百七十萬不士耶矣

問獨小麥有

增加乎曰餘穀類亦有增加焉

問敢請舉其例曰在千八百七十一年美國開墾地三千四百九萬千三百

十七過哥至千八百九十一年得七千六百二十萬四千五百十五過哥又以前年所產出穀類比諸千八百

七十五年以前實當二倍以上耕作燕麥地及其產額亦二倍於千八百七十一年以來又以千八百九十四

年所產棉花比千八百八十七年以前所產出實增加十之五也

問如斯情形則致穀類及棉花落價亦不

可免之數乎曰然凡物產之競售也與衣類器具書籍鋼鐵軌條小針等類之落價亦同一理也

問然則當

此時自由鑄造銀錢

謂民間有銀塊輸之國家
造銀幣也利於耕作穀類者不亦大乎曰不見其然也

問其理何在曰

銀錢之數增加而穀價亦覺騰貴凡百物價亦因之騰貴於農夫等不見利益則必望銀錢之不增也

問主

銀黨之論亦嘗統計實數以定權衡乎曰未見其有所據也

問然則無精確之論又曷能主張其說乎曰苟

欲論此事宜援引制錢及產物而統計之斯為可據耳主銀論者則不然宗旨之誤蓋在此也

問然則主張

主銀黨之說者何故不出於此途乎曰彼其意蓋恐援據此說即為所駁詰無以自申其議猶值寇兵而資盜

糧也

問能有謂以右統計之說為非者乎曰必無懷疑於其間者也雖彼主張主銀黨之說者亦必深服是

說也蓋所言統計之法據美國大藏書務農省及統計局所公示之報告並造幣局總理之報告及英國商務

局報告逐一綜核亦足以昭信矣

美國本有主金主銀二黨今當國者主金黨也此論亦主金黨所撰故祖金而抑銀于主銀黨論議之長處亦不復述及特閱之可以知金銀之長短故

歐美貿易之情形故擇登於報

論金銀漲落之由

日人高橋氏附

近時美國金幣支絀銀幣低落之原實因該國主金黨欲牽制主銀黨之勢力故為是權術以挫抑之也美國將屆選舉民主之期當日共和合眾二黨又分為主金主銀二黨主銀黨之氣焰甚熾幾有鼓動輿情之勢以人數多寡計之主金黨固在下風然主銀黨中類皆中下等之人名望不甚隆智識不甚饒資產亦不甚厚時不免有粗陋之徒辭氣鄙倍較之主金黨以東部諸州為中堅資財饒多名望知識並高固非可同日論矣主銀黨以西部諸州為根據其壟斷銀幣全賴該地方銀行為接濟而該銀行等資財多薄又實仰給於東部諸州之銀行東部諸州積金家習知其故意欲抑制主銀黨之勢力使彼等知鑄造銀幣之不得暢行故遂將借給於西部諸銀行之本貨銳意收回西部諸銀行被其逼索自非收回所借出之資財幾不知所措由是主銀黨大為所窘別無週轉之法且併其所壟斷蓄積之銀幣亦不得不求價以求銷路此銀幣市場所由敗壞也且東部地方積金之家知九月間為美國輸出農產物之期將來輸出之貨必超於輸進之上故此時姑防主金幣之流出不久而出貨既多自見金幣之流進故不以金幣支絀為懼也惟因防止金幣流出之故金幣利息遂陡增查最近電音云英美間之匯票行情四元八十五仙二分之一按英美間現劃貨幣之法四元九十九仙為自美國現劃金幣於歐洲之數又四元八十四仙二分之一則為歐洲現劃金幣於美國之數若按今日之匯票行情而論之歐洲金幣之權利殆幾為所把持矣由此以觀即知今日銀幣低落皆主金黨所為冀以抑制主銀黨而自伸其用金之權也按以上所論雖皆推測之詞然頗得其梗概大約銀幣行情之低落尚未有已時矣

銀價賤落之由

日人關名附

日本將行金幣本位制而地球銀價賤落之極甚其故何也請嘗試論之蓋金銀價所以見有大差不獨銀價賤落金價亦實漲貴也何則近時金價所以漲貴之故厥有數端比年俄國頻購金蓄藏國庫其深意所存旁觀未可以驟測或曰俄亦擬更革幣制也雖然俄國購金之多決不止如或者所說也現自本年一月以來俄國託德商購金極多現查其所貯藏於國庫之數為一億一千萬鎊即當我十一萬萬元也地球貯金之多當以俄國為第一顧俄國行使紙幣即銀票不過十萬萬元左右而現貯藏如此之多金且其購之尚未有已則其志所在非為擬更革幣制而擬準備於戰時之用昭昭明如觀火矣意者異時俄國與他國從事於干戈戎馬之間其所貯藏之金即為支應四方之用源源不斷必至如千八百五十年之交大發金礦於陀里啡兒備亞及澳洲等時也由是觀之近時金價之漲貴俄國購金之多先為其第一因也又奧國亦頃來購金擬以安固其幣制之基本所購之金亦極不訖是亦金價漲貴之第二因也我政府既取中國償款金於倫敦又命正金銀行購金於倫敦現自本年一月至五月所購之數為六十萬餘圓悉送回本國嗣後尚且購金不已蓋亦為第三因也凡此三因是即使倫敦金價漲貴也雖然果何以知其事之不差乎日觀自南非洲及澳洲地方等輸進英京倫敦之金藏在英蘭銀行者即英國極要銀行也隨納隨出而不稍暫留即輸入日俄奧等諸國試考查此中實情即思過半矣金價漲貴既如此而銀價之賤落理有固然非不得已也況又有銀價當賤落之三理在焉一曰頃來日本政府不復購銀又有將賣所貯藏銀之意外商見商機極敏故至銀價賤落也二曰印度政府近亦廢購銀鑄幣之事又美國有關銀礦人等近來各各遽賣銀於市場雖其意所在未可驟知蓋必有所見於商機也往時美國度支大臣來滿美氏因市情不振擬設法挽回屢演說於各地方中有言及幣制之事銀礦家等乃察金本位制謂必能行於旦夕故遂計及此也三曰頃來中國輸進銀極有減色亦為銀價賤落之一

因也要之需金愈多即價漲愈貴而欲銀之漸減即亦賤落其價乃至成為金一銀三十六之比例蓋為古今未曾有之比例差也意者銀價將來之情形恐不能復漲貴也

中外金銀漲落說

英人李提摩太附

公夫利之源猶水之源也黃河之水雖發源星宿其流終達於中國今中外商務既通則利源亦如河源倘有阻遏不有受虧者乎況天地儲精已日出以予人而物產即因所出之多寡以為價值之低昂此古今不易之理也然又在人力之經營人心之籌算以為富饒之本此中有權衡焉不可不知也如歐洲前四百年金土所產之金止值銀五十萬兩而所有之銀一萬一千二百萬較金多兩倍餘其時每金一兩值銀十兩迨歐人得亞美利加洲以後三百年內淘挖之金銀有四千八百兆較歐洲所有者加三倍印度國又買歐洲金銀一千三百六十二兆此利源漸開漸盛之機也今泰西各國礦局在光緒十四年統計一年所入共一百二十一兆又美國礦局統計一年八四十五兆獨佔三分之一故銀價頓減每金一兩值銀十五兩五錢非銀多而價落之明效與又加以各國變易新章獨操勝算獨握利權稍不留心盈虧立見如對敵然非知此知彼不能以相抗也如英國以金為主而銀則等諸貨物凡夫交易均以金計用銀不過十兩餘則盡以金為德人以銀為主金亦以為貨物在十九年前德相俾思麥思欲變法學英人專用金乃盡出其銀以售於他國而銀價頓落凡專用銀者均虧矣中國印度亦均以銀為主法國意大利比利時瑞士希臘五國金銀並用然皆以金計每金一兩合銀十五兩半一定之價或以金或以銀均按數以計之然自德相俾思麥一經變法而此五國者亦受虧矣美國前十二年定新章每月鑄銀三萬餘元以交易而銀價大落凡專用銀之國所虧不知其幾千萬億也近來雪音云美國又改新章每月由外買銀四百五十兆要其銀價之必變可知由是觀之金銀價雖一定而一經變易章程各處即有虧有盈若是其所關豈淺鮮哉中土商賈獨惜其囿於近地之識見以為漲落殊

不知中外苟未通商則可今既通商彼此交易而乃識見不能及遠將見利權倒操中土不益困乎所望富商大賈其務思源流本通於遐邇利權互擅於中西勿拘己見以為盈虧勿圖偏隅以為漲落庶不致自塞其源以坐困也書此以告世之操利權者

論金銀漲落極有關繫

英人李提摩太附

本年六月間本館曾將金銀漲落情形譯登報端固預知銀價從此日漲深冀有心人早自圖維今已果如所言日見增漲其所關係者甚大請得而再論之攷元初中統造元寶鈔每鈔一貫折銀一兩每鈔四貫易赤金一兩當銀四兩洪武十八年令凡所收稅糧金每兩准米十石銀每兩准米二石是金一兩當銀五兩也永樂十一年令金每兩准米三十石則當銀七兩五錢矣又令文趾召商中鹽金一兩給鹽三十引則當銀十兩矣至本朝專以銀為幣金值愈貴嘉道以前每赤金一兩不過值銀十四兩嗣後十五六兩極昂時每金一兩竟至二十兩矣合三朝計之金銀之值何以貴賤懸殊一至於此哉願說者謂自佛法入中國而佞佛者用赤金以飾佛像又繕寫金字藏經天下因此爭造金為箔故金耗而價昂又或謂中國赤金外美採買最少故金價亦日貴不知此皆調語也查中國銀坑向來禁止開採天下五大洲惟亞美利加金銀礦最多亦最盛開採於四百年前歐羅巴洲人初到彼處通商運金銀回本國及分稍亞細亞洲等處由此天下金銀漸大增多美利加人當日甚有用銀製為器具者足見產銀之多夫金少而銀多故金值日昂銀值日賤此自然之理也即以近日產銀之數計之光緒四年美國出銀三千四百餘萬兩其餘各國出銀三千八百餘萬兩光緒十五年美國出銀五十萬兩其餘各國出銀七千六百萬兩每年約添銀一萬二千餘萬兩且不特銀一種已也即五金之產亦莫不較前多至數倍如茶為中國交易之大宗在當年平常之茶每斤不過值錢四十文遞至今日每斤則須二百文矣此外各物無不由此類推故以昔較今物價均約加多五倍可見五金之產亦使前